

ԳՈՐԾԱԴԻՐ

ԻՐԱԿԼԻ ՂԱՐԻԲԱՇՎԻԼԻ.
«ԺՈՂՈՎՐԴԻ ՀԱՇՎԻՆ ՀԱՐՍՏԱՆԱՆ
ԱՆԹՈՒՅԼԱՏՐԵԼԻ Է, ՍԽԱԼ Է»

Փետրվարի 6-ին, Վրաստանի վարչապետ Իրակլի Դարիբաշվիլու նախագահությամբ, անցկացվեց երկրի կառավարության հերթական նիստը, որի մեկնարկում վարչապետը հանրագումարեց երկրի սոցիալ-տնտեսական իրավիճակը, կանխագծեց կառավարության անելիքները:

ԲՆԱԿԱՉՈՒԹՅՈՒՆԸ
ՍՆԵՂԱՄԵՐՔԸ ԳՆՈՒՄ
Է ԳՐԵԹԵ 100 ՏՈԿՈՍ
ԹԱՆԿԱՑՈՒՄՈՎ

Կառավարության նիստում Իրակլի Դարիբաշվիլին հայտարարեց, որ մրցակցության գործակալությանը հանձնարարվել էր ուսումնասիրել պարենային ապրանքների գները, եւ նախնական հետազոտության արդյունքները մտահոգիչ են:

- Ես նշեցի գնաճը եւ ուզում եմ որոշակի պարզաբանում անել մեր հասարակության համար: Մի քանի շաբաթ առաջ, մրցակցային գործակալությանը հանձ-



Մարարված էր ուսումնասիրել պարենա-
(Շարունակությունը՝ 4-րդ էջում)

ՕՐԵՆԱԴԻՐ

ՇԱԼՎԱ ՊԱՊՈՒԱՇՎԻԼԻ. «ՀՈՒՍՈՎ ԵՄ, ՈՐ ԵՎՐԱՄԻՈՒԹՅՈՒՆԸ
ՄԵՃ ԹԵԿՆԱԾՈՒ ԵՐԿՐԻ ԿԱՐԳԱՎԻՃԱԿ ԿՏԱ»

Փետրվարի 8-ին, Վրաստանի խորհրդարանի գարնանային նստաշրջանի մեկնարկին, օրենսդիր մարմնի նախագահ Շավլա Պապուաշվիլին լիազումար նիստում հանդես եկավ խորհրդարանի 2022 թվականի գործունեության եւ 2023 թվականին ծրագրված աշխատանքների հաշվետվությամբ:

Խորհրդարանի նախագահը, մանրամասնելով 2022 թվականի գործունեությունը, նշեց, որ տարին պատմական էր երկրի համար, Եվրամիությունն արժանվույն գնահատելով Վրաստանի Եվրատվանտ-

յան միտվածությունը, երկրին շնորհեց Եվրոպական հեռանկար: Շավլա Պապուաշվիլու խոսքով, Եվրահամձնաժողովի 12 հանձնարարականների կատարումը Վրաս-
(Շարունակությունը՝ 2-րդ էջում)

ՀԱՆԴԻՊՈՒՄ

ԸՆԴՊԾՎԵՃ ՏԱՐԱԾԱՇՐՋԱՆՈՒՄ ԽԱՂԱՂՈՒԹՅԱՆ ԵՎ
ԿԱՅՈՒՆՈՒԹՅԱՆ ՀԱՄԱՐ ՎՐԱՍՏԱՆԻ ՄԻՋՆՈՐԴԻ ԴԵՐԸ
ԿԱՏԱՐԵԼՈՒ ՊԱՏՐԱՍՏԱԿԱՄՈՒԹՅՈՒՆԸ

ԹԲԻԼԻՍԻՆ ԿԱՐՈՂ Է ԴԱՌՆԱԼ ՀԱՅ-ԱՂՐԲԵՋԱՆԱԿԱՆ ԲԱՆԱԿՑՈՒԹՅՈՒՆՆԵՐԻ
ԱՆՑԿԱՑՄԱՆ ՎԱՅՐ

Փետրվարի 7-ին Վրաստանի վարչապետ Իրակլի Դարիբաշվիլին հանդիպել է Հայրավային Կովկասում եւ Վրաստանում ԵՄ հատուկ ներկայացուցիչ, ժնեպի միջազգային բանակցությունների համանախագահ Տոյվո Կլարի եւ ժնեպյան միջազգային բանակցություններում ՍԱԿ-ի եւ ԵԱՀԿ ներկայացուցիչների հետ, քննարկել են տարածաշրջանի ու աշխարհի անվտանգության միջավայրին եւ մարտահրավերներին առնչվող հարցեր:

Հանդիպմանը մեկ անգամ եւս ընդգծվեց Վրաստանի հաջող միջնորդությունը, որի արդյունքում Ադրբեյջանը ազատ արձակեց ռազմագերիներին, իսկ դրա դիմաց Հայաստանին հանձնեց ականապատ

տարածքների կարելու քարտեզները: Թբիլիսիում կայացավ նաեւ Հայաստանի եւ Ադրբեյջանի արտգործնախարարների հանդիպումը: Վրաստանի վարչա-
(Շարունակությունը՝ 2-րդ էջում)

ԻՆՏԵՐՎՅՈՒՄ

ՎԱՐՉԱԴԵՏՆ ՈՒ ԴԵՏԵՆԱԽԱՐԱՐԸ ՔՆՆԱՐԿԵՅԻՆ
ԱՃԱՅՅԻՆ ՓՈՔՐԱՄԱՍՆՈՒԹՅՈՒՆՆԵՐԻ ԻՆՏԵՐՎՅՈՒՄ
ԳՈՐԾԸՆԹԱՅԻ Է՛Ն ԱՎԵԼԻ ԱԿՏԻՎԱՅՈՒՄԸ

Փետրվարի 9-ին, Վրաստանի վարչապետ Իրակլի Դարիբաշվիլին, հանդիպում ունեցավ հաշտեցման եւ

քաղաքական իրավահավասարության հարցերով պետ-
նախարար Թեա Ախվլեդի-
անու հետ:

Հանդիպմանը քննարկվեցին պետնախարարության աշխատակազմի իրավասու-
(Շարունակությունը՝ 3-րդ էջում)

ՏԱՐԵՐԱՅԻՆ ԱՂԵՏ

ԱՎԵՐԻՉ ԵՐԿՐԱՇԱՐԺ
ԹՈՒՐԲԻԱՅՈՒՄ ԵՎ ՍԻՐԻԱՅՈՒՄ

ՓԵՏՐՎԱՐԻ 10-Ի ԴՐՈՒԹՅԱՄԲ՝ ԹՈՒՐԲԻԱՅՈՒՄ ԱՂԵՆ ԶՈՂՎԵԼ Է
18 342, ԻՍԿ ՍԻՐԻԱՅՈՒՄ 3 377 ՄԱՐԴ

Փետրվարի 6-ի լուսաբացին, տեղական ժամանակով ժամը 04:17-ին 7,4 մագնիտուդով երկրաշարժ է տեղի ունեցել Թուրքիայի հարավում գտնվող Քահրամանմարաշ նահանգում: Ավերածություններ են գրանցվել Թուրքիայի Ադանա, Գազիանթեփե, Դիարբեքիր, Սալաթիա, Շանլիուր քաղաքներում: Թուրքիայում աղետից տուժած շրջաններում ապրում է 13 միլիոն մարդ:



Թուրքիայի նախագահ Ռեջեփ Թայիփ Էրդողանը երկրաշարժից տուժած 10 նահանգներում երեք ամսով արտակարգ դրություն է, իսկ երկրում յոթօրյա սուգ է հայտարարվել:

Ստորգետնյա ցնցումներ են գրանցվել նաեւ Սիրիայում, ավերածություններ կան Սիրիայի Հալեպ, Իդլիպ, Համա, Լաթաքիա քաղաքներում: Գրանցվել է նաեւ 78 հետցնցում:

Աշխարհի ավելի քան 70 երկրներ իրենց օգնությունն են առաջարկել Թուրքիային եւ Սիրիային՝ ավերիչ երկրաշարժի հետեւանքների վերացման, տուժյալներին մարդասիրական օգնություն ցուցաբերելու համար:

Փետրվարի 10-ի դրությամբ Թուրքիայում զոհերի թիվը հասել է 18 342, իսկ Սիրիայում՝ 3 377 մարդ:

ՎՐԱՑ ՓՐԿԱՐԱՐՆԵՐԻ ՈՐՈՆՈՂԱԿԱՆ
ՓՐԿԱՐԱՐ ԱՇԽԱՏԱՆՔՆԵՐԸ ԹՈՒՐԲԻԱՅՈՒՄ

Վրաստանն առաջին երկիրն էր, որ արձագանքեց Թուրքիայում եւ Սիրիայում տեղի ունեցած ավերիչ երկրաշարժին եւ համապատասխան օգնություն ցուցաբերելու պատրաստակամություն հայտնեց:



Այս մասին հայտարարեց Վրաստանի վարչապետ Իրակլի Դարիբաշվիլին: Նրա խոսքով, Վրաստանի արտակարգ իրավիճակների դեպարտամենտը, Թուրքիա աղետի գոտի է գործուղել որոնողական-փրկարարական երկու ջոկատ, ընդհանուր առմամբ 100 փրկարար համապատասխան հանդերձանքով ու սարքավորումներով:

Վրաստանի կառավարության որոշմամբ Թուրքիայում բնական աղետից տուժած բնակչությանը մարդասիրական օգ-

նություն ցուցաբերելու նպատակով կառավարության պահուստային հիմնադրամից հատկացվում է մեկ միլիոն լարի:

Վրաստանի խորհրդարանը մարդասիրական բեռներ կուղարկի Թուրքիայում երկրաշարժից տուժածներին: Այդ նպատակով օրենսդիր մարմնում կբացվի հատուկ բանկային հաշիվ:

ՀԱՅԱՍՏԱՆԻ ՓՐԿԱՐԱՐՆԵՐԸ
ԹՈՒՐԲԻԱՅՈՒՄ ԵՎ ՍԻՐԻԱՅՈՒՄ

Ն.ՓԱՇԻՆՅԱՆԸ ՇԵՆԱԽՈՍԱԶՐՈՒՅՃ Է ՈՒՆԵՅԵԼ Ռ.ԷՐԴՈՂԱՆԻ ԵՎ Բ.ԱՍԱԴԻ ՀԵՏ

Հայաստանը փետրվարի 6-ի երկրաշարժից տուժած երկրներ է ուղարկել ընդհանուր թվով 56 փրկարար: Հայաստանի ներքին գործերի նախարարությունից հայտնեցին, որ Հայաստանը Թուրքիա է ուղարկել 27, իսկ Սիրիա՝ 29 փրկարար:

«Վշտացած եմ Թուրքիայում եւ Սիրիայում ավերիչ երկրաշարժի կապակցությամբ, որն այդքան շատ մարդկային կյանքեր է խլել: Մեր խորին ցավակցությունները՝ զոհերի ընտանիքներին, իսկ վիրավորներին մաղթում ենք շուտափույթ ապաքինում: Հայաստանը պատրաստ է օգնություն տրամադրել», - այս մասին վարչապետ Փաշինյանը գրել է իր թվիթերյան էջում: Հայաստանի վարչապետ Նիկոլ Փաշ-

ինյանը հեռախոսազրույց է ունեցել Թուրքիայի նախագահ Ռեջեփ Թայիփ Էրդողանի եւ Սիրիայի նախագահ Բաշար Ալ Ասադի հետ:



(Շարունակությունը՝ 7-րդ էջում)

ՊԱՏՄՈՒԹՅԱՆ ԷՋԵՐԻՑ

ՓԵՏՐՎԱՐԻ 8-Ը՝ ՍՐԲԱՑՎԱԾ ԱՐՔԱ ԴԱՎԻԹ ՇԻՆԱՐԱՐԻ ՕՐ



Փետրվարի 8-ը Վրաստանի Սուրբ Ուղղափառ Առաքելական եկեղեցու կողմից հռչակված է Դավիթ Շինարարի հիշատակի օր:
1089 թվականին Վրաստանն ու նրա ճակատագիրը հանձնվեց կրթված, իմաստուն, հռետոր, կարիքավորների եւ որբերի պաշտպան, արդար դատավոր, արխագների, վրացիների, Ռանիի, Կախիի, Դա-յաստանի, Շիրվանի եւ Շահանշա թագավոր Սուրբ Դավիթ Շինարարին:

Դավիթ Շինարարը խոշոր ֆեոդալների սանձահարելուց հետո, գիտակցեց, որ հզոր պետության անկյունաքարը խաղաղությունն ու միասնությունն է: Նրա օրոք Վրաստանի սահմաններն ընդլայնվեցին: Դավիթ թագավորի կողմից իրականացված բազմաթիվ միջոցառումների (քաղաքական, տնտեսական, մշակութային, եկեղեցական, ռազմական, դատական եւ այլն) արդյունքում, Վրաստանը վերածվեց Մերձավոր Արեւելքի հզորագույն պետության:

«Աղմաշենքելի» («Շինարար») տիտղոսը Վրաստանի պատմության մեջ շնորհվել է միայն նրան՝ Դավիթ Չորրորդ թագավորին: Նրան «Շինարար» կոչեցին, քանի որ իրեն բաժին հասած ավերված, քանդված երկիրը վերակառուցեց, նոր եկեղեցիներ, հասարակական շենքեր կառուցեց, հովանավորեց մշակույթն ու առևտուրը, պաշտպանեց կարիքավորներին ու որբերին: Նա նշանակալից դեր կատարեց պետություն-եկեղեցի հարաբերությունների կարգավորման գործում: Մասնակցեց եկեղեցական ժողովին, եկեղեցին ծառայեցրեց պետությանը: Նրա ջանքերով՝ 1106 թվականին սկսվեց Գելաթի մենաստանի շինարարությունը:

Դավիթ Շինարարը Դիդգորիի ճակատամարտում (1121 թ.) մահնեղական միացյալ կոալիցիայի հզոր բանակին հաղթե-

լուց հետո գրավեց Թբիլիսին, այն դարձնելով միացյալ Վրաստանի մայրաքաղաք: Դիդգորիի ճակատամարտից հետո, Վրաստանն իր սահմաններում ներառավ Զարավային Կովկասով անցնող առևտրական բոլոր ճանապարհները:

Վրացական հողերի հետ մեկտեղ, սելջուկներից ազատագրվել են նաեւ մի շարք հայկական շրջաններ: 1123-ին Դավիթ Շինարարը, պարտության մատնելով թուրք-սելջուկներին, ազատագրեց Անին: Միաժամանակ հայ ֆեոդալները, հատկապես Ջաքարյանները, Մամիկոնյանները, Արծրունիները իրենց զորամասերով միացան վրացական բանակին եւ մասնակցեցին Դավիթ Շինարարի մղած մարտերին:

Վրաց թագավոր Դավիթ Շինարարը հովանավորել է հայ եկեղեցուն եւ բնակչությանը: Դավիթ Շինարարի անձնական խորհրդատուներից էր ժամանակի նշանավոր գիտնական Զովհաննես Սարկավագը:

Դավիթ Շինարարը նաեւ հիմնդրաֆ էր: Նրա «Ձղջման աղոթքը» ժամանակին հավասարեցված էր եկեղեցական նշանավոր ձեռագրերին:

ՌՈՒՆ ՄԵՏՐԵՎԵԼԻ
Վրաստանի գիտությունների ազգային ակադեմիայի փոխնախագահ, ակադեմիկոս



ԱՄՆ - ԶԻՆԱՍՏԱՆ
ԱՄԵՐԻԿԱՆ ՕՊԱՅԻՆ ՏԱՐԱԾՔՈՒՄ
ԽՈՑՎԵՑ ԶԻՆԱԿԱՆ ՕՂԱՊԱՐԻԿ

ԱՄՆ-ում չինական հսկա օդապարիկ է խոցվել, որն ըստ Վաշինգտոնի, օգտագործվել է Ամերիկայում գտնվող ռազմական թիրախները լրտեսելու համար: Պենտագոնի տվյալներով՝ օդապարիկը խփվել է F-22 տիպի ինքնաթիռով՝ մեկ հրթիռով: Չինական ռազմավարական գործողությունները ներկայումս հավաքում են կործանված զննակի մասերը հետագա ուսումնասիրության համար:

Չինաստանի իշխանությունները հերքում են օդապարիկի օգտագործումը լրտեսական նպատակներով՝ ասելով, որ այն եղել է թափառող եղանակային նավ:

Օդապարիկի խոցումից հետո, Չինաստանի ԱԳՆ-ն հայտարարություն է տարածել՝ բողոքելով քաղաքացիական ինքնաթիռների դեմ ԱՄՆ-ի ուժի կիրառման համար:

Նշենք, որ ԱՄՆ-ի պետքարտուղար Էնթոնի Բլինկենը հետաձգել է իր ծրագրած այցը Չինաստան՝ ԱՄՆ-ի վրայով չինական օդապարիկի հայտնվելու պատճառով:

ԻՐԱՆ
ՀԱՄԱՆԵՐՈՒՄ՝ ՏԱՄՆՅԱԿ ՀԱՋԱՐԱՎՈՐ ԲԱՆՏԱՐԿԱՅԱԼՆԵՐԻ

Իրանի գերագույն առաջնորդ Այաթոլլա Ալի խամենեին ներում է շնորհել տանյակ հազարավոր բանտարկյալների, այդ թվում՝ վերջին հակակառավարական ցույցերի ժամանակ ձերբակալվածներին:

Համաներման կենթարկվեց այն բանտարկյալները, որոնց մեղադրանք չի առաջադրվել լրտեսության, օտարերկրյա գործակալների հետ անմիջական կապի, դիտավորյալ սպանության եւ մարմնական վնասվածք հասցնելու, պետական գույքի ոչնչացման մեջ, եւ ուլքեր իրենց գործով մասնավոր հայցվոր չլուծել:

Տեղի իրավապաշտպանների տվյալներով՝ Իրանում մոտ 20 հազար մարդ է ձերբակալվել հակակառավարական ցույցերի ընթացքում: Հիշեցնենք, որ ցույցերն սկսվել են սեպտեմբերին ոստիկանության կողմից ձերբակալված երիտասարդ կնոջ՝ Մահսա Ամինի մահից հետո:

ՖՐԱՆՍԻԱ
ԲՈՂՈՔԻ ՑՈՒՅՑԵՐ՝
ԿԵՆԱՍԱԹՆԱԿԱՅԻՆ ՏԱՐԻՔԻ
ԱՎԵԼԱՑՄԱՆ ԴԵՄ

Ֆրանսիայում կենսաթոշակային բարեփոխումների դեմ ակցիաները շարունակվում են: Ֆրանսիայի իշխանություններն ակնկալում են, որ ողջ երկրում կենսաթոշակային բարեփոխումների դեմ բողոքի ցույցերին կնասնակցի 900 հազարից մինչեւ 1 միլիոն մարդ:

Նշենք, որ հունվարի 10-ին Ֆրանսիայի վարչապետ Էլիզաբեթ Բոնոր ներկայացրել էր կենսաթոշակային բարեփոխման նախագիծը, որը նախատեսում է կենսաթոշակային տարիքը 62-ից հասցնել 64-ի: Ենթադրվում է, որ սահմանված կենսաթոշակային տարիքային չենք տարեկան 3 ամսով աստիճանաբար 62-ից կհասցվի 64-ի, եւ այդ գործընթացը կտեւի մինչեւ 2030 թվականը:

ՀԱՆԴԻՊՈՒՄ

ԸՆԴՊԾՎԵՅ ՏԱՐԱԾԱՆԵՐՁԱՆՈՒՄ ԽԱՂԱՂՈՒԹՅԱՆ ԵՎ ԿԱՅՈՒՆՈՒԹՅԱՆ ՀԱՄԱՐ
ՎՐԱՍՏԱՆԻ ՄԻՋՆՈՐԴԻ ԴԵՐԸ ԿԱՏԱՐԵԼՈՒ ՊԱՏՐԱՍՏԱԿԱՄՈՒԹՅՈՒՆԸ

(Սկիզբը՝ 1-ին էջում)

պետը պատրաստակամություն հայտնեց շարունակել միջնորդի դեր խաղալ հարեւան երկրների միջեւ տարածաշրջանում խաղաղություն եւ կայունություն ապահովելու համար:

Ինչպես նշեց Տոյվո Կլարին, Հայաստանի եւ Ադրբեյջանի միջեւ հարաբերությունների կարգավորման վերա-

բերյալ հանդիպումները կարելի է անցկացնել Թբիլիսիում, քանի որ Վրաստանը աշխարհագրորեն շատ հարմար վայր է դրա համար:

- Թբիլիսին այն վայրն է, որտեղ կայացել է ԱԳՆ ղեկավարների հանդիպումը, ուստի նմանը կարող է դառնալ եւս մեկ անգամ եւ ինչպես առաջնորդների, այնպես էլ՝ այլ ձեւաչափով հանդիպումների համար: Վրաստանն աշխարհագրորեն

շատ հարմար է այս առումով, այստեղ կարելի է արագ եւ հեշտությամբ գալ հարեւան երկրներից,- ասաց Կլարը:

Ինչպես նշել է ԵՄ հատուկ ներկայացուցիչը, «տրամաբանական է, որ Հարավային Կովկասում գտնվող երեք երկրները փորձեն համագործակցության եզրեր գտնել»: Նրա խոսքով՝ «կարելու է, որ Վրաստանը կամուրջ լինի Հայաստանի եւ Ադրբեյջանի միջեւ»:

ՕՐԵՆԱԴԻՐ

ՇԱԼՎԱ ՊԱՊՈՒԱՇՎԻԼԻ. «ՀՈՒՍՈՎ ԵՄ, ՈՐ ԵՎՐԱՄՈՒԹՅՈՒՆԸ ՄԵՉ ԹԵԿՆԱԾՈՒ ԵՐԿՐԻ ԿԱՐԳԱՎԻՃԱԿ ԿՏԱ»

(Սկիզբը՝ 1-ին էջում)

տանին կապահովի Եվրամիության թեկնածուի կարգավիճակի շնորհումը:

- 2023 թվականի փետրվարին Եվրահանձնաժողովը կսկսի գնահատել Վրաստանի առաջընթացը ԵՄ հանձնարարականների իրականացման ուղղությամբ: Հուսով եմ, որ այս անգամ Վրաստանի ջանքերը հավուր պատշաճի կգնահատվեն, եւ Եվրամիությունը

ըն մեզ թեկնածու երկրի կարգավիճակ կշնորհի,- ասաց Շավա Պապուաշվիլին եւ հավելեց, որ Եվրամիությանն անդամակցելու ճանապարհին հետագա առաջընթացը, խորհրդարանի ինստիտուցիոնալ հզորացումը եւ Վրաստանի անվտանգության ու սոցիալ-տնտեսական զարգացման խթանումը այն առաջնահերթություններն են, որոնք կորոշեն Վրաստանի խորհրդարանի օրակարգը 2023 թվականին:

- Հուսով եմ, որ, համատեղ աշխատանքի արդյունքում, մենք կունենանք նշանակալի արդյունքներ, որոնք էլ ավելի կամրապնդեն մեր երկրի խաղաղ, տնտեսապես ամուր, կայուն եւ եվրոպական ապագան,- նշեց Շավա Պապուաշվիլին:

Իր խոսքում Շավա Պապուաշվիլին անդրադարձավ նաեւ ընդդիմության ապակայունացուցիչ գործունեությանը, ընդգծելով, որ միայն



համատեղ ջանքերով է հնարավոր կարգավորել երկրի առջեւ ծառացած մարտահրավերները:

ՎՐԱՍՏԱՆ - ՀԱՅԱՍՏԱՆ

ԱՇԽԱՐՀԱՐՈՉԱԿ ՆԻՆՈ ԱՆԱՆԻԱՇՎԻԼԻՆ ԵՐԵՎԱՆՈՒՄ ԷՐ

Փետրվարի 6-ին, Թբիլիսիի Ջաքարիա Փալիաշվիլու անվան օպերայի եւ բալետի թատրոնի բալետի դասի ղեկավար Դեկավար աշխարհահռչակ Նինո Անանիաշվիլին, Երեւանի Ա.Սպենդիարյանի անվան օպերայի եւ բալետի ազգային ակադեմիական թատրոնի հրավերով, գտնվում էր Հայաստանում:

Այցի շրջանակներում Նինո Անանիաշվիլին հանդիպում է ունեցել Հայաստանի կրթության, գիտության, մշակույթի եւ սպորտի փոխնախարար Արա Խզմայանի հետ:

Հանդիպմանը պայմանավորվածությամբ է ձեռք բերվել խորացնելու վրաց-հայկական մշակութային հարաբերությունները ինչպես պրոֆեսիոնալ գործու-

նեության, այնպես էլ՝ կրթական ոլորտներում: Մասնավորապես, անդրադարձ է կատարվել Վրաստանի օպերայի եւ բալետի թատրոնի ու Երեւանի պարավեստի պետական քոլեջի միջեւ մասնագիտական կապերի խորացմանը: Կողմերն անդրադարձել են նաեւ՝ Արամ Խաչատրյանի ծննդյան 120-ամյակի շրջանակում համագործակցության ձեւաչափերին:

ՌՈՒՄ - ՈՒԿՐԱԻՆԱԿԱՆ ՌԱԶՄԱԿԱՆ ՀԱՎԱՄԱՐՏՈՒԹՅՈՒՆ. 352-ՐԴ ՕՐ

ՈՒԿՐԱԻՆԱՆ ԿԱՐՈՂ Է ՌԶՆԶԱՑՆԵԼ ՌՈՒՍԱՍԱՆՈՒՄ ԵՎ ՔՏՆՎՈՂ ԹԻՐԱՆՆԵՐԸ

Ուկրաինան զենք ունի, որը կարող է թիրախներ ոչնչացնել Ռուսաստանի տարածքում, «CNN»-ի հետ հարցազրույցում ասաց Ուկրաինայի ազգային անվտանգության եւ պաշտպանության խորհրդի քարտուղար Ալեքսեյ Դանիլովը:

- Ինչ վերաբերում է Ռուսաստանի տարածքին, ապա մեզ ոչ ոք չի արգելում ուկրաինական արտադրության զինատեսակներով թիրախներ ոչնչացնել,- ասաց Դանիլովը: Ինչպես գրում է «CNN»-ը, արեւմտյան երկրները սահ-

մանափակել են Ուկրաինայի կողմից արեւմտյան զենքով Ռուսաստանի վրա հարձակումը:

ՈՒԿՐԱԻՆԱՅԻ ԿՈՂՄԻՑ ՀԱՐՎԱԾԻ
ԴԵՊՔՈՒՄ, ՌՈՒՍԱՍՏԱՆԸ ԿՕԳՏԱԳՈՐԾԻ
ՁԵՆՔԻ ԲՈԼՈՐ ՏԵՍԱԿՆԵՐԸ

Ուկրաինայի կողմից հարվածի դեպքում, Ռուսաստանը չի սահմանափակի իր պատասխան գործողությունները եւ պատրաստ է օգտագործել զենքի բոլոր տեսակները,- հայտարարեց ՌԴ Անվտանգության

խորհրդի փոխնախագահ, նախկին վարչապետ Դմիտրի Մեդվեդեւը:

Նրա խոսքով՝ նման գործողությունները համահունչ են ռուսական դոկտրիններին, այդ թվում՝ միջուկային զսպման սկզբունքներին:

Հիշեցնենք, որ ԱՄՆ-ը հայտարարել էր Ուկրաինային ռազմական օգնության հերթական փաթեթ հատկացնելու մասին: Մինչեւ 2,2 միլիարդ դոլար արժողությամբ փաթեթը ներառում է հեռահար բախտոցիկ հրթիռներ՝ GLSDB:

Ըստ լրատվական գործակալությունների

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ԻՆՏԵՐՎՅՈՒՄ

ՎԱՐՉԱՊԵՏՆ ՈՒ ՊԵՏՆԱԽԱՐԱՐԸ ԲՆՆԱՐԿԵՅԻՆ ԱԶԳԱՅԻՆ ՓՈԲՐԱՄԱՍՆՈՒԹՅՈՒՆՆԵՐԻ ԻՆՏԵՐՎՅՈՒՄԱՆ ԳՈՐԾԵՆԹԱՅԻ Է՛Ն ԱՎԵԼԻ ԱԿՏԻՎԱՅՈՒՄԸ

(Սկիզբը՝ 1-ին էջում)

թյան ներքո գտնվող երկու ուղղությունների՝ հաշտեցման ու ներգրավման, ինչպես նաեւ քաղաքացիական իրավա-հավասարության եւ ինտեգրման քաղաքականության առաջնահերթություններն ու իրականացվելիք ծրագրերը: Առանձնակի ուշադրություն հատկացվեց «Վրաստանի զարգացման ռազմավարությունը-2030»-ի կատարման դիմա-միկային: Պետնախարարը կառավարության ղեկավարի մանրամասն տեղեկատվություն փոխանցեց բոլոր այն նա-խաձեռնությունների, ծրագրերի ու նախագծերի վերաբեր-յալ, որոնք իրականացվելու են ընթացիկ տարում:

Հանդիպմանը նշվեց, որ քաղաքացիական ինտեգրման քաղաքականության կարեւորագույն առաջնահերթությու-նը շարունակում է մնալ պետական լեզվի իմացության մա-կարդակի բարձրացումն ու վրացերենի ժողովրդականա-ցումը ազգային փոքրամասնություններով հոծաբնակ բնա-կավայրերում: Այդ նպատակով, ակտիվորեն շարունակվում են շահագրգռված անձանց համար վրաց լեզվի անվճար ուսուցման ծրագրերն ու դասընթացներն ինչպես տարա-ծաշրջանային ուսուցման կենտրոններում, այնպես էլ՝ հե-ռավար ձեւաչափով եւ տեղերում՝ շարժական խմբերի կող-մից: Իսկ պետական լեզվի ժողովրդականացման նպատա-կով, իրականացվելիք միջոցառումները կդառնան է՛լ ավե-լի լայնածավալ: Կրկին առանձնակի ուշադրություն հատ-կացվեց որակյալ կրթության մատչելիության հարցին: Այդ նպատակով, ծրագրված է մի շարք միջոցառումներ, այդ թվում՝ ոչ վրացալեզու նախադպրոցական եւ հանրակրթա-

կան հաստատություններում բիլինգային ծրագրի զարգա-ցումն ու իրականացման լայնածավալ ընդլայնումը, ու-սումնական ռեսուրսների զարգացումն ու ուսուցիչների որակավորման բարձրացումը: Նշվեց, որ Վրաստանի վար-չապետի նախաձեռնությամբ իրականացվելիք մանկա-պարտեզների եւ դպրոցների շինարարության-վերանորոգ-ման ծրագիրը, նշանակալի բեկումն կարող է առաջացնել ինչպես ազգային փոքրամասնությունների նախադպրոցա-կան կրթության մատչելիության, այնպես էլ՝ դպրոցների եմ-թակառույցների կատարելագործման տեսանկյունից:

Ընդգծվեց, որ առավել լայնածավալ կդարձվի «1+4» հան-րակրթական ծրագրով ուսանողների եւ շրջանավարտների համար հանրային հատվածում ստաժավորման հատուկ ծրագրերի իրականացումը, ինչը կնպաստի երիտասարդնե-րի մասնագիտական ունակությունների զարգացմանը, հան-րային ոլորտում աշխատանքային փորձի ձեռքբերմանն ու աշխատանքային շուկայում մրցակցության խորացմանը:

Քաղաքացիական եւ քաղաքական մասնակցության աջակցության խրախուսմանն ուղղված կլինի ազգային փոքրամասնությունների մասնակցությամբ գործող խորի-դատվական մեխանիզմների արդյունավետության բարձ-րացումը: Նաեւ, ի պատասխան ընթացիկ կարիքների, տե-ղեկատվության մատչելիության բարելավումը: Ազգային փոքրամասնություններով հոծաբնակ տարածաշրջանում կիրականացվեն լայնածավալ տեղեկատվական քարո-զարշավներ, արդարադատության, կանանց դերի ուժե-ղացման, եվրոպական եւ եվրատլանտյան գործընթաց-ների ու հրատապ այլ թեմաների վերաբերյալ: Ոչ վրացա-



լեզու բնակչության տեղեկատվականության մակարդակի բարձրացման նպատակով, պետությունը շարունակում է հայալեզու «Վրաստան» եւ ադրբեջանալեզու «Գյուրջիս-տան» թերթերի ֆինանսավորումը:

Ազգային փոքրամասնություններով հոծաբնակ տարա-ծաշրջանների բնակչության սոցիալական եւ տնտեսական ինտեգրման աջակցությունն առաջնահերթային կդառնա պետական ծրագրերի եւ սպասարկումների վերաբերյալ տեղեկատվության գործնական մատուցման մեջ:

Մշակութային երկխոսության առաջնահերթության շր-ջանակներում՝ առանձնակի ուշադրություն կհատկացվի մշակութային բազմերանգության ներկայացմանը, այդ թվում՝ տարբեր ազգերի թատրոնների, թանգարանների, գրադարանների գործունեությանը, տարբեր ազգության ներկայացուցիչների մասնակցության համատեղ մշակու-թային, հանրակրթական, մարզական ծրագրերի եւ միջո-ցառումների աջակցության ուղիով:

ՏԱՐԱԾԱՇՐՋԱՆ

ՆԻՆՈԾՄԻՆԴԱ. ԱՌԱՋՆԱՅԵՐԹՈՒԹՅՈՒՆՆԵՐԸ ՀՍՏԱԿԵՑՎՈՒՄ ԵՆ

Նինոծմինդայի մունիցիպալիտետի բնակավայրերում շարունակվում են հան-դիպումները «Գյուրջի աջակցություն» ծրագ-րի շրջանակներում:



Այս անգամ հիմնական առաջնահեր-թությունների հստակեցման համար, Նի-նոծմինդայի քաղաքապետ Անի Սոսոյա-նի, փոխքաղաքապետ, աշխատանքային խմբի ղեկավար, ենթակառուցվածքների, տարածքային կառավարման, ծարտարա-պետության եւ շինարարության ծառայու-թյան պետ Արմեն Բոյոյանի, սակրեբուլոյի փոխնախագահ Վաղինակ Արզումանյանի, վարչական միավորներում քաղաքապետի ներկայացուցիչների եւ սակրեբուլոյի պատ-գամավորների մասնակցությամբ՝ նման հան-դիպումներ անցկացվեցին Փոքր Խանչալի, Կաթնատու, Մեծ Խանչալի, Ջիգրաշեն եւ Խո-

րենիա, Դիլիֆ, Մեծ եւ Փոքր Գոնդուրա, Դու-լալիս, Մամգարա, Մեծ Արագյալ, Սաթիսա եւ Փոքր Արագյալ գյուղերում:

Հիշեցնենք, որ, «Գյուրջի աջակցության» ծրագ-րի շրջանակներում, Նինոծմինդայի մունիցիպա-լիտետին Կենտրոնական բյուջեից հատկաց-վում է 444 հազար լարի:

Պատրաստեց ՅՈՒՐԻ ԽՈՐԵՆՅԱՆԸ

ՄԱՌՆԵՈՒԼԻ. ՀԱՆԴԻՊՈՒՄՆԵՐ՝ «ԳՅՈՒՂԻ ԱԶԱԿՑՈՒԹՅԱՆ» ԾՐԱԳՐԻ ՇՐՋԱՆԱԿՆԵՐՈՒՄ

Քվենո Քարթլիի տարածաշրջանի Մառնեուլիի մունիցիպալիտետում շարու-նակվում են «Գյուրջի աջակցության» ծրագրի շրջանակներում հանդիպումները:

Ներկա դրությամբ՝ հանդի-պումներ են անցկացվել 6 վար-չական միավորների 30 գյու-ղերում:

Օրենս Մառնեուլիի քաղա-քապետի առաջին տեղակալ Ռոին Դեկանոիծեի տեղական ինքնակառավարման մարմին-ների ներկայացուցիչների մաս-նակցությամբ՝ նման հանդիպում-ներ անցկացվեցին մունիցիպալիտետի Կարմիր գյուղ, Շահունյան, Ախկուլա, Օփրեթ, Դամիա գյուղերում:

Նշենք, որ «Գյուրջի աջակցության» ծրագրի համար 2023 թվականին կենտ-րոնական բյուջեից



հատկացվել է 1 մլն 232 հազար լարի: Գումարը բաշխվել է գյուղերին՝ ըստ բնակչության թվի: Յուրաքանչյուր գյու-ղի համար նվազագույն գումարը 10 հազար լարի է, իսկ առավելագույնը՝ 20 հազար լարի:

ՊԱՏԱՐԱՆ

ՄԻԽԵԻԼ ՍԱԱԿԱՇՎԻԼՈՒ ՊԱՏԻԺԸ ՀԵՏԱԶԳԵԼՈՒ ԿԱՄ ԱԶԱՏԵԼՈՒ ՄԻՋՆՈՐԴՈՒԹՅՈՒՆԸ ԶԲԱՎԱՐԱՐՎԵՑ

Փետրվարի 6-ին Թբիլիսիի քաղաքային դատարանը չբավարարեց Վրաստանի նախկին նախագահ Միխեիլ Սաակաշվի-լու պատիժը հետաձգելու կամ ազատելու միջնորդությունը:

- Մենք 15 միստ ենք անցկացրել, հարցաքննել ենք 24 վկա-յի... Միխեիլ Սաակաշվիլու հիվանդության պատճառով պա-տիժը՝ հետաձգելու կամ ազատելու միջնորդությունը չպետք է բավարարվի,- սասց դատավոր Գիորգի Արեւաձեն:

Նշենք, որ մինչ դատավորի որոշումը, եզրափակիչ խոսքով հանդես են եկել կողմերը, փաստաբանները, քրեակատարո-ղական ծառայության ներկայացուցիչները:

Հիշեցնենք, որ Միխեիլ Սաակաշվիլին կալանավորվել է 2021 թվականի հոկտեմբերի 1-ին: Դատարանը նրան ազա-

տագրկման է դատապարտել պատգամավոր Վալերի Գելաշ-վիլուն ծեծի ենթարկելու եւ Սանդրո Գիրգվիլիանու մահվան գոր-ծով դատապարտվածների ներում շնորհելու համար: Սաա-կաշվիլու դեմ եւս երեք գործ է հարուցվել:

2022 թվականի մայիսի 12-ից Սաակաշվիլին գտնվում է «Վիվանդ» կլինիկայում: Նրա ընտանիքի անդամների ու փաս-տաբանների պնդմամբ՝ երրորդ նախագահի առողջական վի-ճակն օր-օրի վատթարանում է, եւ անհրաժեշտ է բուժման նպա-տակով նրան տեղափոխել արտերկիր:

ԻՐԱՎԱԿԱՆ

ԻՐԱՎԱՊԱՆՆԵՐԸ ՁԵՐԲԱԿԱՆԵՅԻՆ ԶՈՒԳԴԻԴԻ «Georgia Bank» ՄԱՍՆԱՃՅՈՒԴԻՅ ԿԵՍ ՄԻԼՈՆ ԴՈԼԱՐ ՀԱՓՇՏԱԿԱԾ ԲԱՐԻ ԷՍԵԲՈՒՄՅԻՆ

Փետրվարի 8-ին, Զուգդիդիի մունիցիպալիտետի Ջիխաշկարի գյուղում, ձերբակալվել է Բադրի Էսեբուան, ով մեղադրվում է 2020 թվականի հոկտեմբերի 21-ին Զուգդիդիի «Georgia Bank» մասնաճյուղի վրա հարձակվելու եւ պատանդներ վերցնելու մեջ:

Հարձակվողը մի քանի ժամ պատանդ է պահել 43 մարդու: Հետաքննության տվ-յալներով՝ հարձակվողը կա-րողացել է բանկից կես մի-

լիոն դոլար վերցնել:

Գործով հետաքննություն-ը սկսվել է Վրաստանի Քրեական օրենսգրքի 236, 323 եւ 329 հոդվածներով,

որոնք վերաբերում են ահա-բեկչական գործողությանը, ահաբեկչական նպատակ-ներով պատանդ վերցնելուն եւ ապօրինի զենք-զինամ-

թերք ձեռք բերելուն, պա-հելուն ու կրելուն:

Հանցագործությունները պատժվում են մինչեւ 15 տար-վա ազատազրկում:

ԹԲԻԼԻՍԻ ՊԵՏԱԿԱՆ ՀԱՄԱԼՍԱՐԱՆԸ 105 ՏԱՐԵԿԱՆ Է

Փետրվարի 8-ին, Իվանե Ջավախիշվիլու անվան Թբիլիսիի պետական համալսարա-նը նշեց իր հիմնադրման 105-ամյակը:

Թբիլիսիի պետական համալսարանը կուկկապյան տարածաշրջանում գործող ամե-նահին համալսարանն է: Հիմնադրվել է 1918 թվականին, վրացի պատմաբան Իվանե Ջա-վախիշվիլու եւ նրա հետեւորդների ջանքե-րով: Համալսարանը տեղակայված է Վրա-ցական Գիմնազիայի շենքում, որը կառուց-վել է 1899-1906 թվականներին Սիմոն Կի-դիաշվիլու կողմից:

Բուհի հոբելյանի առթիվ իրենց շնորհա-վորանքներն են հղել Վրաստանի վարչա-պետ Իրակլի Դարիբաշվիլին, նախագահ Սալոմե Ջուրաբիշվիլին:

ՏԱՐԱԴՐԱՄԻ ՓՈԽԱՆԱԿԱՆ ԿՈՒՐՍԸ (10 փետրվարի)

Ազգային բանկի կողմից սահմանվել է տարադրամի հետեւյալ կուրսը:

Տարադրամ	Լարի
1 ԱՄՆ ԴՈԼԱՐ	2.6702
1 ԵՎՐՈ	2.8758
100 ՌՈՒԲԼԻ	3.6662
1000 ԴՐԱՄ	6.7540

ԳՈՐԾԱԴԻՐ

ԻՐԱԿԼԻ ՂԱՐԻԲԱՇՎԻԼԻ. «ԺՈՂՈՎՐԴԻ ՀԱՇՎԻՆ ՀԱՐՍՏԱՆԱՆ ԱՆԹՈՒՅԼԱՏՐԵԼԻ Է, ՄԻՍԱԼ Է»

(Սկիզբը՝ 1-ին էջում)

յին ապրանքների գները: Արդյունքն իսկապես անհանգստացնող էր: Ցանկանում եմ հանրությանը ներկայացնել նախնական հետազոտական վերլուծության արդյունքները: Ես մշակել եմ հիմնական ապրանքները, օրինակ՝ բրինձ, հնդկաձավար, մակարոնեղեն, շաքարավազ, աղ, ձեթ, պարզվեց, որ մեծածախ գները 70, 60, 50, 80 տոկոսով ավելացված են: Խոսքը մեծածախ գներին է վերաբերում, դրան գումարվում է մանրածախ նշագծումը՝ առնվազն 25-30 տոկոս: Ստացվում է, որ, ընդհանուր առմամբ, մեր բնակչությունը, մեր ժողովուրդը պետք է այդ ապրանքները գնի գրեթե հարյուր տոկոս գնով, ինչը, իհարկե, կտրականապես անընդունելի է,- հայտարարեց վարչապետը եւ հավելեց, որ ներկրողների նման վերաբերմունքն այս պահին բացարձակապես անընդունելի է:

ՆԵՐԿՐՈՂՆԵՐԸ ՊԵՏՔ Է ՉԱՓԱՎՈՐԵՆ ԻՐԵՆՑ ՊԱՅԱՆՁՆԵՐԸ

- Դրա համար ուզում եմ համծնարարել էկոնոմիկայի ու ֆինանսների նախարարներին, գյուղատնտեսության նախարարին՝ անհապաղ ստեղծել աշխատանքային խումբ, զանգահարել բոլոր խոշոր ներկրողներին, ուսումնասիրել այս հարցերը եւ համապատասխան արձագանքել: Առավելագույնը երկու շաբաթից պետք է ամբողջական պատկերացում ունենամ՝ համապատասխան լուծումներով,- ընդգծեց վարչապետը:

Իրակլի Ղարիբաշվիլին հիշեցրեց դեղորայքի ներկրման հետ կապված բարդությունները, երբ ներկրողները ստացան անհամեմատ բարձր շահույթներ:

- Հիշում եք, թե ինչ աղմուկ բարձրացավ, երբ բացեցինք այս թեման, բայց արդյունքը տեսանելի է: Մենք բացեցինք թուրքական շուկան, եւ հիմա սահմանել ենք տեղեկատու գներ, որոնք դեղերի գինը իջեցրել են 60, 70, 80 տոկոսով: Ընդհանուր առմամբ բնակչությունը՝ մեր ժողովուրդը, խնայել է 200 մլն լարի: Այսինքն, 200 մլն լարիով կրճատվել են գրպանից կատարվող ծախսերը,-

նշեց վարչապետը՝ հավելելով, հուսով է, որ հարցը կքննարկվի եւ կկարգավորվի:

- Ժողովրդի հաշվին հարստանալն անթույլատրելի է, սխալ է: Այս ամենը պետք է կարգավորվի ողջամիտ տոկոսների սահմաններում: Սա մեր դիրքորոշումն է,- հայտարարեց Իրակլի Ղարիբաշվիլին:

ՄԵԿ ԼԻՏՐ ԲԵՆՁԻՆԸ ՉԻ ԿԱՐՈՂ ՈՒՆԵՆԱԼ 80-90 ԹԵԹՐԻ ԱՎԵԼԱՅՎԱԾ ԳԻՆ

Կառավարության միստում Իրակլի Ղարիբաշվիլին անդադարձավ նաեւ վառելանյութի գների թեմային, նշելով, որ հայտարարել է, որ մեկ լիտր բենզինը չի կարող ունենալ 80-90 թեթրով ավելացված գին:

Ինչպես նշեց վարչապետը, Վրաստանի մրցակցային գործակալությունն ուսումնասիրում է նավթի շուկան եւ պաշտոնական տվյալներ կներկայացնի փետրվարի վերջին, թեւս այդ ոլորտում էլ որոշակի պարզեցումն առկա է:

- Այս ոլորտում 2022 թվականի ապրիլին գնանկումն իրականացվեց մեր միջամտությունից հետո, թեւս դեկտեմբերին կրկին վավերացվեց գնաճ, ինչն անընդունելի է: Պարոնայք, նախարարներ, դուք նավթամթերքներ ներկրողներին պետք է համծնարարեք, որ բանական ելք գտնեն գների նվազեցման, «խելամիտ սահմանագծի» հաստատման համար: Անհրաժեշտ է հնարավորինս սեղմ ժամկետում լուծել այդ հարցը,- ընդգծեց Իրակլի Ղարիբաշվիլին:

- Ես հավատում եմ, որ ներկրողները հաշվի կառնեն մեր ժողովրդի իրավիճակը եւ կսկսեն նվազեցնել նավթի գները,- հայտարարեց վարչապետը:

ԳԵՐԽՆԴԻՐԸ ԵՐԿՐՈՒՄ ԽԱՂԱՂՈՒԹՅԱՆ, ԿԱՅՈՒՆՈՒԹՅԱՆ ԵՎ ՏՆՏԵՍԱԿԱՆ ԱՃԻ ՊԱՅՄԱՆՈՒՄՆ Է

Անդրադառնալով սոցիալ-տնտեսական իրավիճակին, վարչապետը կառավարության միստում հայտարարեց, որ գործադիր հնարավոր ամեն ինչ անում է, որպեսզի

երկրում պահպանի խաղաղություն, կայունություն, տնտեսական բարձր աճ: Վարչապետի խոսքով, գործադրության եւ աղքատության մակարդակը պատմական նվազագույն միջի վրա է: Իրակլի Ղարիբաշվիլու հավաստմամբ՝ վերջին երկու տարիների ընթացքում երկրում ստեղծվել է 220 հազար նոր աշխատատեղ, կայունացվել է ազգային տարադրամի կուրսը, կառավարությունը ծրագրել է մի շարք լայնածավալ նախագծեր, որոնք իրականացվելու են այս տարի:

- Ցանկանում եմ կրկին անգամ գնահատել ստեղծված իրավիճակը: Ինչպես գիտեք, անցյալ տարին եզրափակեցինք երկնիշ տնտեսական աճով: Հստակեցված տվյալներով՝ այն կազմել է 10,1 տոկոս, դա նշանակում է, որ վերջին երկու տարիներին երկիրն ունեցել է երկնիշ տնտեսական աճ: Բնականաբար, սա պատահականություն չէ, այլ մեր կառավարության, մեր իշխանության գիտակցված բնական քաղաքականության արդյունքը: Մեզ համար նշանակալից մարտահրավեր էր երկնիշ արժեզրկումը: Անցյալ տարի գրանցվեցին դեպքեր, երբ արժեզրկումը հասավ 12 եւ 13 տոկոսի, թեպետ սա վավերացվեց ոչ միայն մեր երկրում՝ կրելով գլոբալ բնույթ: Սա գլոբալ մարտահրավեր է: Կորոնավիրուսի համավարակի ընթացքում ծագած հիմնախնդիրը շարունակվեց Ուկրաինայի պատերազմից հետո: Բնականաբար, այդ գործընթացից մենք անմաս չմնացինք, թեպետ կարողացանք հասնել նրան, որ արժեզրկման մակարդակն սկսեց կայունանալ: Մասնավորապես, այն հասցվել է 9,4 տոկոսի, ինչը լավատեսության հիմքեր է ստեղծում, ինչը բավարար համարել չի կարելի: Մեր խնդիրն է՝ առավելագույնս նվազեցնել արժեզրկման մակարդակը,- ասաց վարչապետը եւ հավելեց, որ հնարավորինս պետք է արվի, որպեսզի երկրում պահպանվի դրական դինամիկան:

- Կարճ ասած, մենք հնարավորինս պետք է անենք, որպեսզի երկրում պահպանենք դրական դինամիկա, պետք է պահպանենք տեմպերը եւ առավելագույնս արագացնենք բոլոր ընթացիկ նախագծերը՝ ակնկալելով, որ այս տարին կլինի հաջողված,- ընդգծեց Իրակլի Ղարիբաշվիլին:

ԲԱՆԱԿ

18-35 ՏԱՐԵԿԱՆ ՎՐԱՍՏԱՆԻ ՔԱՂԱՔԱՅԻՆԵՐԸ ՀՐԱՎԻՐՎՈՒՄ ԵՆ ՊԱՅՄԱՆԱԳՐԱՅԻՆ ԶԻՆՇԱՌԱՅՈՒԹՅԱՆ

ՀԱՐՔԱՅԻՆ ԱՇԽԱՏԱՎԱՐՁԸ՝ 1500, ՄՊԱՅԻՆԸ, ԵԼՆԵԼՈՎ ԿՈՉՈՒՄԻՑ, 3000-5000 ԼԱՐԻ

Վրաստանի պաշտպանության նախարարությունը 18-35 տարեկան Վրաստանի քաղաքացիներին հրավիրում է պայմանագրային զինծառայության անցնել ցանկացող քաղաքացին պետք է անցնի զրանցում, բուժզննում եւ երկամսյա նախնական մարտական պատրաստության (BCT) դասընթաց: BCT կուրսի ընթացքում աշխատավարձն ամսական 500 լարի է:



Նախնական մարտական պատրաստության դասընթացին ընդունվելու օրվանից քաղաքացիներին տրամադրվում է սնունդ, զինվորական համազգեստ (դաշտային տեխնիկա), կացարան, բարձր մակարդակի բժշկական ծառայություններ, սոցիալական եւ իրավական երաշխիքներ: Վերաբաշխման ժամանակ հնարավորինս հաշվի է առնվում բնակության վայրի վրա հիմնված տարածքային սկզբունքը:

Վրաստանի պաշտպանության նախարարությունը հրավիրում է նաեւ Վրաստանի 18-45 տարեկան քաղաքացիներին՝ նշանակվելու տարբեր մասնագիտությունների գծով. վարորդներ (այդ թվում՝ հատուկ տեխնիկա), լոգիստիկայի մասնագետներ, կապի մասնագետներ, բժշկական ոլորտի ներկայացուցիչներ, ինժեներական եւ քիմիայի մասնագետներ, ավիացիայի եւ ռազմաօդային ուժերի մասնագետներ չորս տարվա պայմանագրային ծառայության համար:

ՊՆ-ից հայտնում են, որ նշված մասնագիտությունների գծով նշանակվելիք անձինք նախնական մարտական պատրաստության կարճատեւ կուրս կանցնեն եւ մարտական գործունեությունը կշարունակեն ստորաբաժանումներում՝ ըստ մասնագիտությունների: Շաբաթային մեկնարկային աշխատավարձը 1500 լարի է: Աշխատավարձը բարձրանում է՝ ելնելով կոչումից, պաշտոնից եւ զինվորական ստաժից: Առաջին պայմանագրի ավարտից հետո, միանվազ հավելավճարը կազմում է 5000 լարի (առձեռն): Հետագա պայմանագրերի ավարտից հետո, 3000 լարի՝ երկու տարվա պայմանագրի եւ 8000 լարի՝ չորս տարվա պայմանագրի դեպքում:

Գրանցումը կատարվում է առցանց կայքում mod.gov.ge/onlinebctmod.gov.ge, ինչպես նաեւ արդարադատության եւ հանրային կենտրոնների տներում:

Ի ԳԻՏՈՒԹՅՈՒՆ ԿԱՐՈՐԴՆԵՐԻ

ՔԱՂԱՔԱՊԵՏԱՐԱՆԸ ՍԿՍԵՑ ՏԱՔՄԻՆԵՐԻ ԲԱՐԵՓՈՒՄԱՆ ԵՐՐՈՐԴ ՓՈՒԼԸ

Թբիլիսիի քաղաքապետարանը շարունակում է տաքսիների գործունեությունը կարգավորող բարեփոխումների ծրագիրը: Մայրաքաղաքի քաղաքապետ Կախա Կալաձեն, բարեփոխումների երրորդ փուլով նախատեսված փոփոխությունները ներկայացրեց հատուկ անցկացված շնորհանդեսում:

«Ա» ԿԱՐԳԻ ԹՈՒՅԼՏՎՈՒԹՅՈՒՆԸ՝ ԱՆՎՃԱՐ

Ինչպես հայտարարեց Կախա Կալաձեն, տաքսիների բարեփոխման երրորդ փուլում «Ա» կարգի թույլտվությունը կվերածվի արժեքավոր ակտիվի եւ անվճար կտրվի տաքսու վարորդներին՝ որպես մշտական սեփականության:

Նրա խոսքով, 2023 թվականի ապրիլի 1-ին քաղաքապետարանը նոր համակարգով «Ա» կարգի թույլտվություններ կտրամադրի բոլոր այն ֆիզիկական անձանց, ովքեր 2019 թվականի հոկտեմբերի 1-ից ունեցել են առնվազն մեկ թույլտվություն կամ կունենան նման թույլտվություն՝ մինչեւ 2023 թվականի մարտի 20-ը:

Բացի այդ, ապրիլի 1-ից տրված նոր «Ա» կարգի թույլտվությունը պահանջում է ակտիվացում ստացողի կողմից: Ակտիվացման ժամկետը սահմանվում է 2023 թվականի ապրիլի 1-ից մինչեւ 2024 թվականի ապրիլի 1-ը: «Ա» կարգի թույլտվությունը, որը չի ակտիվացվի նշված ժամկետում, ավտոմատ կերպով կչեղարկվի նշված ժամկետի ավարտից հետո: Դրա վճարը ֆիքսված է եւ կհաշվարկվի օրական:

Մեկ անձի համար տրվում է միայն մեկ թույլտվություն:

ԿՏՐՎԻ ԱԿՏՈՔՈՒՄԻ ԳԾՈՎ ՀԱՐԺՎԵԼՈՒ ՀՆԱՐԱՎՈՐՈՒԹՅՈՒՆ

Թբիլիսիի քաղաքապետ Կախա Կալաձեն, հանդես գալով տաքսիների բարեփոխման երրորդ փուլի շնորհանդեսին, նշեց, որ ապրիլի 1-ից «Ա» կարգի տաքսու վարորդները կկարողանան ավտոբուսի գծով ուղևորներ վերցնել եւ իջեցնել:

- Ապրիլի 1-ից միայն համապատասխան



սպիտակ գույնի տաքսու վարորդները հնարավորություն կունենան շարժվել ավտոբուսի գոտիով՝ միայն ուղղություններ վերցնելու կամ իջեցնելու նպատակով: Այդ ուղղությամբ մենք ակտիվ աշխատում ենք ՆԳՆ-ի հետ եւ ավելի ուշ՝ մանրամասն տեղեկատվություն կտրամադրենք,- ասաց քաղաքապետը:

ԿԱՐԵԼԻ Է ԳՆԵԼ, ՎԱՃԱՌԵԼ ԿԱՍ ԿԱՐՉԱԿԱԼԵԼ «Ա» ԿԱՐԳԻ ԹՈՒՅԼՏՎՈՒԹՅՈՒՆ

Տաքսիների բարեփոխման երրորդ փուլի շնորհանդեսին նշվեց, որ ընթացիկ տարվա մարտի 20-ից կդադարեցվի գործող համակարգով «Ա» կարգի թույլտվությունների տրամադրումը, եւ դրանք հնարավոր կլինի ձեռք բերել զեման կամ վարձակալության իրավունքով այն ֆիզիկական անձից, ով ունի նման թույլտվություն:

Թույլտվություններ գնելու կամ վարձակալելու համար կստեղծվի տաքսու թույլտվության շուկա: Շուկայում թույլտվություններ կարող են ձեռք բերել ոչ միայն ֆիզիկական, այլեւ իրավաբանական անձինք:

Վերոնշյալ հնարավորությունը հասանելի կլինի էլեկտրոնային համակարգում taxi.tbilisi.gov.ge: